

春秋左傳杜注

春秋左傳杜注卷第二十二

華亭姚培謙

昭公

經八年春陳侯之弟招殺陳世子偃師

以首惡從殺例故稱弟又稱世

子。招常逕反。

○夏四月辛丑陳侯溺卒

襄二十七年大夫盟于宋

○叔弓如

晉○楚人執陳行人于徵師殺之

稱行人明非行人罪

○陳公

子留出奔鄭

留為招所立未成君而出奔

○秋蒐于

紅革車千乘不言大者經文闕也紅魯地

國蕭縣西有紅亭遠疑

○陳人殺其大夫公子過

與招共殺偃師書名罪之。過平聲

○

大雩

無傳。不早而秋雩。過也。

○冬十月壬午楚師滅陳

不稱將帥不以告壬午月十八

日 執陳公子招放之于越

無傳復稱公子兄已卒

殺陳孔奭

無傳

殺之 ○葬陳哀公

嬖人袁克葬之魯往會故書

傳八年春石言于晉魏榆

魏榆晉地名今山西太原府榆次縣西北有榆

次故城通典曰晉魏榆邑也

晉侯問於師曠曰石何故言對曰石不

能言或馮焉

謂有精神馮依石而言

不然民聽濫也

濫失也○或民聽濫失實無言而妄稱有

言也 抑臣又聞之

抑疑辭 曰作事不時怨讟動於民則有

非言之物而言今宮室崇侈民力彫盡

彫傷也

怨讟竝

作莫保其性

性命也民不敢自保其性命

石言不亦宜乎於是晉侯

方築虎祁之宮

虎祁地名在絳西四十里臨汾水○處音斯○今在山西平陽府曲沃縣西

叔向曰

子野之言君子哉

子野師曠字

君子之言信而有徵故怨

遠於其身

怨咎遠其身也

小人之言僭而無徵故怨咎及之

詩曰哀哉不能言匪舌是出唯躬是瘁

詩小雅也不能言謂不知言理

以僭言見退者其言非不從舌出以僭而無信自取瘁病故哀之

哿矣能言巧言如流俾躬處

休其是之謂乎

哿嘉也巧言如流謂非正言而順敘以聽言見答者言其可嘉以信而有徵自取安逸師曠此言緣問派

轉終歸于諫故以比巧言如流也當叔向時詩義如此故與今說詩者小異○哿古可反

是宮也成諸侯必叛

君必有咎夫子知之矣

為十年晉侯彪卒傳

○陳哀公元妃鄭姬生悼太子偃師

元妃嬀夫人也

二妃生

公子留下妃生公子勝二妃嬖留有寵屬諸司徒

招與公子過

招及過皆哀公弟也

哀公有廢疾三月甲申公子

招公子過殺悼太子偃師而立公子留夏四月辛

亥哀公縊

憂志自殺總書辛丑從赴志一睡反

干徵師赴于楚

干徵師陳大夫

且告

有立君公子勝愬之于楚

以招過殺偃師告愬也

楚人執而殺之

殺于徵師

公子留奔鄭書曰陳侯之弟招殺陳世子偃師

罪在招也楚人執陳行人干徵師殺之罪不在行

人也

疑為招赴楚當同非故重發之

○叔弓如晉賀虎祁也

賀官成

游吉相鄭伯以如晉亦

賀虎祁也史趙見子大叔曰甚哉其相蒙也

蒙欺也

可

弔也而又賀之子犬叔曰若何弔也其非唯我賀

將天下實賀

言諸侯畏晉非獨鄭

○秋大蒐于紅自根牟至于商衛革車于乘

大蒐數軍實簡

車馬也根牟魯東界琅琊陽都縣有牟鄉商宋地魯西竟接宋衛也言于乘明大蒐且見魯眾之大數也

○七月甲戌齊子尾卒子旗欲治其室

子旗樂施也欲并治子尾之家

政 丁丑殺梁嬰

梁嬰子尾家宰

八月庚戌逐子成子工子車

三子齊大夫子尾之屬子成頃公子固也子工成之弟鑄也子車頃公之孫捷也皆來奔

不書非卿

而立子良氏

之宰

子良子尾之子高彊也子旗為子良立宰

其臣曰孺子長矣

孺子謂子良

而相吾

室欲兼我也

兼并也

授甲將攻之陳桓子善於子尾亦

授甲將助之。或告子旗。子旗不信。則數人告。將往。

又數人告於道。遂如陳氏。○將往子良之家。又數人告不使敢向子良之家。遂如陳氏。桓

子將出矣。聞之而還。聞子旗至游服而逆之。去戎備著常游戲之服請命

問桓子所至對曰。聞彊氏授甲將攻子。子聞諸。曰。弗聞。子

盍亦授甲。無字請從。無字桓子名子旗曰。子胡然。彼孺子

也。吾誨之。猶懼其不濟。吾又寵秩之。謂為之立宰其若先

人何。子盍謂之。謂之使無攻我周書曰。惠不惠。茂不茂。周書康誥也言

當施惠於不惠者。勸勉於不勉者。茂勉也。康叔所以服弘大也。服行也。桓子繆願曰。

頃靈福子。頃公靈公。靈氏所事之君。○稽音林。頃音傾。吾猶有望。望子旗惠及己遂和之。

如初

和樂高二家

○陳公子招歸罪於公子過而殺之

言招所以不死而得放

○九月楚公子弃疾帥師奉孫吳圍陳

孫吳悼太子偃師之子惠公

宋戴惡會之

戴惡宋大夫

冬十一月壬午滅陳

壬午十月十八日傳言十一月誤

與嬖袁克殺馬毀玉以葬

與衆也袁克嬖人之貴者欲以非禮厚葬袁公○服氏虔曰馬陳侯所乘

玉陳侯所佩故不欲使楚得之

楚人將殺之請寘之

置馬玉

既又請私

私盡君臣思

私於幄加絰於顙而逃

幄帳也逃不欲為楚臣

使穿封戌為陳公

戌楚大夫滅陳為縣使戌為縣公

曰城麋之役不諂

城麋役在襄二十六年戌與靈王爭皇頡

侍飲

酒於王王曰城麋之役汝知寡人之及此女其辟



寡人乎

及此謂為王

對曰若知君之及此臣必致死禮以

息楚

息寧靜也

晉侯問於史趙曰陳其遂亡乎對曰未也

公曰何故對曰陳顓頊之族也

陳祖舜舜出顓頊

歲在鶉火

是以卒滅陳將如之

顓頊氏以歲在鶉火而滅火盛而水滅。孔疏歲星天之貴神所在必昌鶉火得歲而火

益盛火盛而水滅顓頊水德故以此

年終陳是顓頊之族故知滅將如之今在析木之津猶將復由

箕斗之間有天漢故謂之析木之津由用也。言將復用是而更興

且陳氏得政于齊而後陳卒

亡

物莫能兩盛

自幕至于瞽瞍無違命

幕舜之先瞽瞍舜父從幕至瞽瞍間無違天命廢絕者。

孔疏帝系云顓頊生窮蟬窮蟬生敬康敬康生句芒句芒生螭牛螭牛生瞽瞍不知幕于螭牛以前是誰名字之异也

舜重之以

明德實德於遂

遂舜後蓋殷之與存舜之後而封遂言舜德乃至於遂

遂世守之及胡

公不淫。故周賜之姓。使祀虞帝。

胡公滿遂之後也。事周成王。賜姓曰姬。封諸陳。紹舜後。

臣聞盛德必百世祀。虞之世數未也。繼守將在齊。

其兆既存矣。

言陳氏興盛於齊。形兆已見。

經九年春。叔弓會楚子于陳。

以事往。非行會禮。

○許遷于夷。

許畏鄭欲遷。故以自遷為文。

○夏四月。陳災。

天火曰災。陳既已滅。降為楚縣。而書陳災者。猶晉之梁山沙鹿崩。不書晉。

災害繫於所災所害。故以所在為名。○公羊傳。陳已滅矣。其言陳火何存。陳也。

○秋。仲孫貜如齊。

○覆。俱縛反。

仲孫貜子。

○冬。築郎囿。

傳九年春。叔弓宋華亥鄭游吉衛趙厲會楚子于

陳。

楚子在陳。故四國大夫往。非盟主所召。不行會禮。故不總書。○厲。於滅反。

○二月庚申楚公子弃疾遷許于夷實城父

此時改城父為

夷故傳實之城父縣屬譙郡。今江南鳳陽府亳州東南七十里。有城父故城。

取州來淮北之田以益

之益許田

伍舉授許男田。然丹遷城父人於陳。以夷濮

西田益之

以夷田在濮水西者與城父人。○水經注夏肥水上承沙水東南運城父縣故城春秋所謂夷田在濮水西者也。蓋濮水亦稱

水遷方城外於許

成十五年許遷於葉因謂之許今許遷於夷故以方城外入實其處傳言靈王使民

不安

○周甘人與晉閻嘉爭閻田

甘人甘大夫襄也閻嘉晉閻縣大夫。○閻以廉反蓋與甘相近

之晉梁丙張趯率陰戎伐潁

除戎陸渾之戎潁周邑。○陸渾故城在今河南河南府嵩縣北

王使詹桓伯辭於晉

辭責讓之桓伯周大夫

曰我自夏以后稷

魏駘芮岐畢吾西土也

在夏世以后稷功受此五國為西土之長駘在始平武功縣所治釐城岐在扶

風美陽縣西北○駘他來反依字應作部駘他來反○今武功縣屬陝西西安府乾州古釐城在縣南八里

及武王克商

蒲姑商奄吾東土也

樂安博昌縣北有蒲姑城○奄於檢反○史記作薄姑今山東青州府博興縣東南十五

里有薄姑故城服氏度曰蒲姑齊也商奄魯也

巴濮楚鄧吾南土也肅慎燕亳吾

北土也

肅慎北夷在立菟北三千餘里○韋氏昭曰肅慎扶餘千里孔疏立菟在邊東北金為上京會寧府今屬盛京史秦本紀寧公與

亳戰亳王奔戎皇甫氏謚曰西戎之國也

吾何邇封之有

邇近也○言我之封疆何近之有

文武成

康之建母弟以蕃屏周亦其廢隊是為

為後世廢隊兄弟之國當救濟

之○屏必并反為去聲

豈如弁髦而因以敝之

童子垂髮始冠必三加冠成禮而弁其始冠故言弁髦因

以敝之弁亦冠也○髦音毛孔疏弁謂縹布冠髦謂童子垂髮凡加冠之禮先用縹布之冠敝括垂髮三加之後去縹布之冠不復更用故云因以敝之

今王自比豈得將王室如縞布冠加髻之後不須復用國以敵之猶言以我王家封建晉國之後因即弁而不事之也先王居構杙

于四裔以御螭魅言構杙畧舉四凶之一下言四裔則三苗在其中○裔以制反故允姓之

姦居于瓜州允姓陰戎之祖與三苗俱放三危者瓜州公穀煌伯父惠公歸自秦而

誘以來僖十五年晉惠公自秦歸二十二年秦晉遷陸渾之戎於伊川使偪我諸姬入我郊

甸則戎焉取之邑外為郊郊外為甸言戎取周郊甸之地○若不由晉則戎何得取周之地也戎有中

國誰之咎也咎在晉后稷封殖天下今戎制之不亦難

乎后稷脩封疆殖五穀今戎得之唯以畜牧伯父圖之我在伯父猶衣服之有

冠冕木水之有本原民人之有謀主也民人謀主宗族之師長伯

父若裂冠毀冕拔本塞原專弃謀主雖戎狄其何

有余一人

伯父猶然則雖戎狄無所可責晉率陰戎伐周邑故云然

叔向謂宣子曰文之

伯也豈能改物

言文公雖霸未能改正朝易服色○伯音霸

翼戴天子而加之

以共

翼佐也

自文以來世有衰德而暴滅宗周

宗周天子

以宣

示其侈諸侯之貳不亦宜乎且王辭直子其圖之

宣子說王有姻喪

外親之喪

使趙成如周弔且致閭田與

襚

說送死衣

反潁俘王亦使賓滑執甘大夫襄以說於晉

晉人禮而歸之

賓滑周大夫

○夏四月陳災鄭裨竈曰五年陳將復封封五十

二年而遂亡子產問其故對曰陳水屬也

陳潁項之後故為水屬

火水妃也

火畏水故為之妃

而楚所相也

相治也楚之先祝融為高辛氏火正主治火事

今

火出而火陳

火心星也火出於周為五月而以四月出者以長歷推前年誤置閏

遂楚而建陳也

水得妃而興陳興則楚衰故曰遂楚而建陳

妃以五成故曰五

年

妃合也五行各相妃合得五而成故五歲而陳復封為十三年陳侯吳歸于陳傳○妃音配○邵氏寶曰天一生水至地六乃成越五數矣故曰

五成歲五及鶉火而後陳卒亡楚克有之天之道也

故曰五十二年

是歲歲在星紀五歲及大梁而陳復封自大梁四歲而及鶉火後四周四十八歲凡五及鶉火五十二年

天數以五為紀故五及鶉火火盛水衰

○晉荀盈如齊逆女

自為逆

還六月卒于戲陽

魏郡內黃縣北有戲陽城

戲平聲殯于絳未葬晉侯飲酒樂膳宰屠蒯趨入請佐

公使尊

公之使人執尊酌酒請為之佐

許之

而遂酌以飲工

工樂師師曠也○飲去聲

同曰女為君耳將司聰也

樂所以聰耳

辰在子卯謂之疾

日

疾惡也紂以甲子喪桀以乙卯亡故國君以為忌日

君徹宴樂學人舍業

○言不習樂

為疾

故也君之卿佐是謂股肱股肱或虧何痛如之

言痛疾過

於忌日

女弗聞而樂是不聰也

不聞是義而作樂

又飲外嬖嬖叔

外都大夫之嬖者

曰女為君目將司明也

職在外故主視

服以旌禮也

禮以行事

事政

事有其物

物類

物有其容

容貌也○孔疏禮有吉凶之異作衣服以

表之是服以旌禮也六冕以祭視皮弁以視朝韋弁以即戎冠弁以田獵如此之類是禮以行事也哀有哭泣樂有歌舞如此之類是事有其物言行事各有其物類也衰麻則有衰色端冕則有敬色介冑則有不可犯之色如此之類是物有其容也今君之容非其物



也。有卿佐之喪而作樂。歡會故曰非其物。而女不見。是不明也。亦白飲也。曰。

味以行氣。氣以實志。氣和則志充。志以定言。在心為志。發口為言。言以

出令。臣實司味。二御失官而君弗命。臣之罪也。工與

侍御君者。失官不聰明。○言二侍御者。並失其官。而君不出命令。以罪之。必是調和食味失宜。故君無志氣。以定言出令。罪在我也。公說徹。

酒。初公欲廢知氏而立其外嬖。爲是悛而止。秋八

月。使荀躒佐下軍以說焉。躒荀躒之子。知文子也。佐下軍。代父也。說。自解說。○躒力狄反。

○孟僖子如齊。殷聘禮也。自叔老聘齊。至今二十年。禮意久曠。今脩盛聘。以無忘舊好。故曰禮。

○冬。築郎囿。書時也。季平子欲其速成也。叔孫昭

子曰。詩曰。經始勿亟。庶民子來。詩大雅。言文王始經營宮室。非急疾之。庶民自以子義來。

勤勞也。勸初交反。為之焉用速成其以勸民也。無囿猶可無民

其可乎

經十年春王正月○夏齊樂施來奔嗜酒好內以取敗亡故書名○

秋七月季孫意如叔弓仲孫閱帥師伐莒三大夫皆卿故書之季孫

為主二子從之○戊子晉侯彪卒五同盟○九月叔孫婁如晉葬

晉平公三月而葬速○十有二月甲子宋公成卒十一同盟也無父史闕文

傅十年春王正月有星出于婺女客星也不書非李。婺武付反鄭裨

竈言於子產曰七月戊子晉君將死今茲歲在顛

頊之虛歲歲星也顛頊之虛謂玄枵。虛起魚反。孔疏釋天云玄枵虛也。顛頊之虛虛也。郭璞曰虛在正北顛頊水德位在北方當以北

方三次以玄枵為中玄枵次有三宿又虛在其中以  
水位在北顛頊居之故謂玄枵虛星為顛頊之虛也 姜氏任氏實守

其地

姜齊姓任薛姓齊薛  
二國守玄枵之地

居其維首而有妖星焉告邑姜

也

客星居玄枵之維首邑姜齊大公女晉唐叔之母星占婺女為既嫁之  
女織女為處女邑姜齊之既嫁女妖星在婺女齊得歲故知禍歸邑姜

○孔疏維者綱也玄枵次有三宿女為其初女是次之綱維也居其維首謂  
星居之也其玄枵維首而有妖異之星以將死之妖告邑姜也邑姜齊女皆

邑姜言其  
子孫當死

邑姜晉之妣也天以七紀二十八宿七戊子逢公

以登星斯於是乎出

逢公殷諸侯居齊地者逢公將死妖星出婺  
女時非歲星所在故齊自當禍而以戊子曰

卒

吾是以譏之

為晉侯彪卒  
傳○譏祭也

○齊惠樂高氏皆耆酒

樂高二族  
皆出惠公

信內多怨

說婦人言  
故多怨

彊於陳鮑氏而惡之

惡陳鮑

夏有告陳桓子曰子旗子

良將攻陳鮑亦告鮑氏桓子授甲而如鮑氏遭子

良醉而騁

欲及子良醉故驅告鮑文子

遂見文子

文子鮑

則亦授甲矣使

視二子

二子子旗子良

則皆將飲酒桓子曰彼雖不信

彼傳言者

聞

我授甲則必逐我及其飲酒也先伐諸陳鮑方睦

遂伐欒高氏子良曰先得公陳鮑焉往

欲以公自輔助

遂伐

虎門

欲入公不聽故伐公門路寢門畫虎故名

晏平仲端委立于虎門之外

端委朝服

四族名之無所往

四族欒高陳鮑

其徒曰助陳鮑乎曰何

善焉

言無善義可助

助欒高乎曰庸愈乎

罪惡不差於陳鮑○差初賣反

然則歸

乎曰君伐焉歸公名之而後入公卜使王黑以靈

姑鉞率吉請斷三尺焉而用之

王黑齊大夫靈姑鉞公族名斷三尺不敢與君同。鉞音

丕斷丁管反。

五月庚辰戰于稷

稷祀后稷之處。稷地名。六國時齊有稷下館在今山東青州

謂斷其旂也。

府臨淄縣古臨淄城西

樂高敗又敗諸莊

莊六軌之道

國人追之又敗諸

鹿門

鹿門齊城門

樂施高彊來奔

高彊不書非卿

陳鮑分其室晏子

謂桓子必致諸公讓德之主也讓之謂懿德凡有

血氣皆有爭心故利不可強

不可強取

思義爲愈義利之

本也。蒞利生孽

蒞畜也孽妖害也。蒞紆粉反

姑使無蒞乎可以滋長

桓子盡致諸公而請老于莒

莒齊邑

桓子名子山

子山子商子周

襄三十一年子尾所逐羣公子

私具幄幕器用從者之衣屨

私具不告公

而反

棘馬

棘子山故邑齊國西安縣東有戟里亭。後漢志作棘里今臨淄縣西北有棘里亭。

子商亦如之而反

其邑子周亦如之而與之夫子

子周本無邑故更與之濟南於陵縣西北有于亭。今於

陵城在長山縣南二十里屬山東濟南府

反子城子公公孫捷

三千八年子旗所逐

而皆益

其祿凡公子公孫之無祿者私分之邑

桓子以己邑分之國

之貧約孤寡者私與之粟曰詩云陳錫載周能施

也

詩大雅言文王能布陳大利以賜天下行之周徧。施去聲。

桓公是以霸

齊桓公亦能施以致霸

公與

桓子莒之旁邑辭

讓不受

穆孟姬爲之請高唐陳氏始

大

穆孟姬景公母傳言陳氏所以興

○秋七月平子伐莒取鄭

鄭莒邑取鄭不書公見討於平邱魯諱之。鄭音梗。當在今山東青州

府沂水縣界

獻俘始用人於亳社

以人祭殷社

臧武仲在齊聞之

曰周公其不饗魯祭乎周公饗義魯無義詩曰德

音孔昭視民不佻

詩小雅佻偷也言明德君子必愛民○視詩作示

佻之謂甚矣而

壹用之將誰福哉

壹同也同人於畜牲

○戊子晉平公卒

如禫寔之言

鄭伯如晉及河晉人辭之

游吉遂如晉

禮諸侯不相弔故辭

九月叔孫婁齊國弱宋華定

衛北宮喜鄭罕虎許人曹人莒人邾人滕人薛人

杞人小邾人如晉葬平公也

經不書諸侯大夫者非盟會

鄭子皮將

以幣行

見新君之贊

子產曰喪焉用幣用幣必百兩

載幣用車百乘

百兩必千人。千人至，將不行。

行用也。

不行，必盡用之。

不得見新。

君將自費用盡。

幾千人而國不亡。

言千人之費不可數。幾音紀，數所角反。

子皮固請以

行。既葬，諸侯之大夫欲因見新君。叔孫昭子曰：非

禮也。弗聽。叔向辭之曰：大夫之事畢矣。

送葬禮畢。

而又命

孤，孤斬焉。在衰經之中。

既葬未卒哭，故猶服斬衰。

其以嘉服見，則喪

禮未畢。其以喪服見，是重受弔也。大夫將若之何。

皆無辭以見。子皮盡用其幣。歸，謂子羽曰：非知之

實難，將在行之。

言不患不知，患不能行。

夫子知之矣。我則不足。

言己

產之戒，既知其不可而

遂行之，是我之不足。書曰：欲敗度，縱敗禮。

逸書。商書太甲篇。

我之



謂矣。夫子知度與禮矣。我實縱欲而不能自克也。

欲因喪以慶新君故縱而行之不能自勝

昭子至自晉。大夫皆見。高彊見而退。

高彊子良

昭子語諸大夫曰。爲人子不可不慎也哉。昔慶

封亡。子尾多受邑。而稍致諸君。君以爲忠。而甚寵

之。將死。疾于公宮。

在公宮被疾

輦而歸。君親推之。

推其車而送之。推。

他國反

其子不能任。是在此。忠爲令德。其子弗能任。

罪猶及之。難不慎也。

言不可不慎

喪夫人之力。弃德曠宗。

以及其身。不亦害乎。

夫人謂子尾曠空也。使其宗廟曠而不祀。

詩曰。不自我

先。不自我後。其是之謂乎。

詩小雅言禍亂不在他。正當己身。以喻高彊身自取此禍。

○冬十二月宋平公卒。初元公惡寺人柳欲殺之。

元公平公犬子佐也。

及喪柳熾炭于位。

以溫地。

將至則去之。

使公坐其處。

比

葬。又有寵。

言元公好惡無常。

經十有一年春王二月叔弓如宋葬宋平公。○夏

四月丁巳楚子虔誘蔡侯般殺之于申。

蔡侯雖弑父而立楚子誘而殺

之刑其羣士蔡大夫深怨故以楚子名告。般音班。高氏閔曰蔡般弑逆之罪雖義當討而楚子亦弑逆之賊也以賊討賊何辨曲直况楚子非真治

般志在滅蔡也故春秋書楚子虔蔡侯般同斥其名以見其罪同。

楚公子弃疾帥師圍蔡。○五

月甲申夫人歸氏薨。

昭公母胡女歸氏。

○大蒐于比蒲。

○比音毗。

仲孫矍會邾子盟于稷祥。

稷祥地關。稷子鳩反。當在今山東兗州府滋陽縣境。

○秋

季孫意如會晉韓起齊國弱宋華亥衛北宮佗鄭

罕虎曹人杞人于厥慙厥慙地關。佗徒何反。慙魚靳反。○九月己亥

葬我小君齊歸齊謚○冬十有一月丁酉楚師滅蔡

執蔡世子有以歸用之用之殺以祭山

傳十一年春王二月叔弓如宋葬平公也媯以聘事行故傳具之

○景王問於萇弘曰今茲諸侯何實吉何實凶萇弘周大

夫。萇直良反。對曰蔡凶此蔡侯般弑其君之歲也歲在豕

韋襄三十年蔡世子般弑其君歲在豕韋至今十三歲歲復在豕韋般即靈侯也弗過此矣言蔡凶不過此年楚

將有之然壅也蔡近楚故知楚將有之楚無德而享大利所以壅積其惡。顧氏炎武曰壅如以土壅水積之多而後決

之驟也

歲及大梁蔡復楚凶天之道也

楚靈王弑立之歲歲在大梁到昭十三年歲復

在大梁美惡周必復故知楚凶

楚子在申召蔡靈侯靈侯將往蔡大夫

曰王貪而無信唯蔡於感

蔡近楚之大國故楚常恨其不服順感戶暗反

今幣重

而言甘誘我也不如無往蔡侯不可三月丙申楚

子伏甲而饗蔡侯於申醉而執之夏四月丁巳殺

之刑其士七十人公子弃疾帥師圍蔡

傳言楚子無道

韓宣

子問於叔向曰楚其克乎對曰克哉蔡侯獲罪於

其君

謂弑父而立

而不能其民

不能施德

天將假手於楚以斃之

借楚手以討蔡

何故不克然臍聞之不信以幸不可再也楚

王奉孫吳以討於陳曰將定而國陳人聽命而遂

縣之

事在八年

今又誘蔡而殺其君以圍其國雖幸而克

必受其咎弗能久矣桀克有緡以喪其國紂克東

夷而隕其身

紂為黎之蒐東夷叛之桀為仍之會有緡叛之故伐而克之

楚小位下而亟

暴於二王

亟斯冀反數也數行暴虐甚於桀紂二王

能無咎乎天之假助不

善非祚之也厚其凶惡而降之罰也且譬之如天

其有五材而將用之力盡而敝之是以無拯不可

沒振

金木水火土五者為物用久則必有敝盡則弃捐故言無拯拯猶救助也不可沒振猶沒不可復振○言天之用楚亦如此也拯燕上

聲出溺為拯不可

沒振申無拯之意

○五月齊歸薨大蒐于此蒲非禮也

○孟僖子會邾莊公盟于祲祥脩好禮也

蒐非存亡之由故臨喪不

宜為之盟會以安社稷故喪盟謂之禮

泉邱人有女夢以其帷幕孟氏之廟

泉邱魯邑○當在今兗州府寧陽泗水間幕音莫

遂奔僖子其僚從之

鄰女為僚友者隨而奔僖子

盟于清邱之社曰有子無相弃也

二女自共盟

僖子使助

蘧氏之箴

箴副倅也蘧氏之女為僖子副妾別居在外故僖子納泉邱人女令副助之○蘧為彼反蘧初又反○倅七對反禮有副車

倅車皆謂副貳之車也蘧亦副倅之意妻為正適妻為副貳

反自祲祥宿于蘧氏生懿子

及南宮敬叔於泉邱人其僚無子使字敬叔

字養也似雙生

○楚師在蔡

向四月之師

晉荀吳謂韓宣子曰不能救陳

又不能救蔡物以無親

物事也。言事事如此。故無人肯親我晉國。

晉之不能

亦可知也。已爲盟主而不恤亡國將焉用之。秋會

于厥慙謀救蔡也。

不書救蔡。不果救。

鄭子皮將行。子產曰。行

不遠不能救蔡也。蔡小而不服。楚大而不德。天將

弃蔡以壅楚。盈而罰之。

惡。盈楚。

蔡必亡矣。且喪君而能

守者鮮矣。三年王其有咎乎。美惡周必復。王惡周

矣。

元年楚子弑君而立。歲在大梁。後二年十三歲歲星周復於大梁。

晉人使狐父請蔡于楚。

弗許。

狐父。晉大夫。

○單子會韓宣子于戚。

單子。單成公。

視下言徐。

其言太徐。奄奄然。

叔

向曰：單子其將死乎？朝有著定。

著定朝內列位常處謂之表著。謂佇立定處。

會

有表

野會設表以為位。

衣有檜，帶有結。

檜領會結帶結也。檜古外反。

會朝之言。

必聞于表著之位，所以昭事序也。視不過結檜之

中，所以道容貌也。

道音導下同。

言以命之，容貌以明之，失

則有關。今單子為王官伯，而命事於會，視不登帶。

言不過步，貌不道容，而言不昭矣。不道不共，不昭

不從。

貌正曰共，言順曰從。洪範五事，貌曰恭。言曰從，謂容貌當恭恪，言是則可從也。

無守氣矣。

為此年冬單子卒起本。

言無守身之氣將必死。

○九月，葬齊歸公，不感。晉士之送葬者，歸以語史。



趙史趙曰必為魯郊

言賂公必出在郊野不能有國

侍者曰何故曰歸

姓也不思親祖不歸也

姓生也言不思親則不為祖考所歸佑

叔向曰魯公

室其卑乎君有大喪國不廢蒐

謂蒐比蒲

有三年之喪而

無一日之感國不恤喪不忌君也

忌畏也

君無感容不

顧親也國不忌君君不顧親能無卑乎殆其失國

為二十五年公孫於齊傳

○冬十一月楚子滅蔡用隱犬子于岡山

蔡靈公之犬子蔡侯廬之

父申無宇曰不祥五牲不相為用况用諸侯乎

五牲牛羊

豕犬

王必悔之

悔為暴虐

○十二月單成公卒

終叔向之言

○楚子城陳蔡不羹

襄城縣東南有不羹城定陵西北有不羹亭  
○羹音郎○不羹有二襄城縣東南者西不

羹也屬河南開封府舞陽縣北者東不羹即定陵之不羹亭也屬河南南陽府

使弃疾爲蔡公王問於

申無宇曰弃疾在蔡何如對曰擇子莫如父擇臣

莫如君鄭莊公城櫟而寘子元焉使昭公不立

子元鄭公

子莊公寘子元於櫟桓十五年厲公因之以殺櫟大夫檀伯遂居櫟卒使昭公不安位而見殺

齊桓公城穀而寘

管仲焉至于今賴之

城穀在莊三十二年

臣聞五大不在邊五

細不在庭

上古金木水火土謂之五官立鳥氏丹鳥氏亦有五又以五鳩鳩民五雉為五工正蓋立官之本也未世隨事施職是以

官無常數今無字稱習古言故云五大也言五官之長專威過節則不可居邊細弱不勝任亦不可居朝廷

親不在外羈

不在內。今弃疾在外。鄭丹在內。

襄十九年。丹奔楚。

君其少戒。

王曰：國有大城，何如？對曰：鄭京櫟實殺曼伯。

曼伯，禮伯也。屬。

公得櫟。又并京。

宋蕭亳實殺子游。

在莊十二年。

齊渠邱實殺無知。

在莊九年。

渠邱，今齊國西安縣也。齊大夫雍廩邑。

衛蒲戚實出獻公。

蒲，甯殖邑。戚，孫林父邑。出獻公在襄十四年。

若

由是觀之，則害於國，未大必折。

折其本。

尾大不掉，君所知也。

為十三年陳蔡作亂傳。掉，徒甲反。

經十有二年春，齊高偃帥師，納北燕伯于陽。

三年，燕伯出奔。

齊高偃，高偃之孫。齊大夫陽，即唐燕別邑。中山有唐縣，不言于燕，未得國都。今直隸保定府唐縣東有漢唐縣故城。春秋時曰陽也。

○三

月壬申，鄭伯嘉卒。

五同盟。

○夏，宋公使華定來聘。

定，華椒孫。

公如晉。至河，乃復。

晉人以莒故辭公。

○五月葬鄭簡公。

三月而葬。速。

○楚殺其大夫成熊。

傳在葬簡公上經從赴。

○秋七月。○冬十月。

公子愁出奔齊。

書名謀亂故也。○愁，魚鯁反。○劉氏敞曰：愁，豈謀亂者哉？苟使愁無罪而奔，遂書其字乎。

○楚

子伐徐。

不書。圖以乾谿師告。

○晉伐鮮虞。

不書。將帥史闕文。

**傳**十二年春，齊高偃納北燕伯款于唐，因其衆也。

言因唐衆欲納之，故得先入唐。

○三月，鄭簡公卒，將爲葬除。

除葬道。爲去聲。

及游氏之廟。

游氏子大叔族。

將毀焉。子大叔使其除，徒執用以立，而無庸。

毀用毀廟具。

曰：子產過女，而問何故不毀，乃曰：不忍廟也。

諾將毀矣

教毀廟者之辭

既如是子產乃使辟之司墓之室

有當道者

簡公別營葬地不在鄭先公舊墓故道有臨時迂直也司墓之室鄭之掌公墓大夫徒屬之家

毀之則

朝而崩

崩下棺○崩比節反禮家作空彼驗反

弗毀則日中而崩子大叔請

毀之曰無若諸侯之賓何

不欲久留賓

子產曰諸侯之賓

能來會吾喪豈憚日中無損於賓而民不害何故

不為遂弗毀日中而葬君子謂子產於是乎知禮

禮無毀人以自成也

○夏宋華定來聘通嗣君也

宋元公新即位

公享之為賦蓼

蕭弗知又不答賦

蓼蕭詩小雅義取燕笑語是以有蓼處芳艸與華定燕語也又曰既見君子為龍為光故以

寵光賓也。又曰：宜兄宜弟，令德壽凱。言賓有令德，可以壽樂也。又曰：和鸞雍雍，萬福攸同。言欲與賓同福祿也。昭子曰：必亡。

宴語之不懷。懷，思也。寵光之不宣。宣，揚也。令德之不知，同福

之不受，將何以在。為二十年華定出奔傳。○孔疏：詩云：燕笑語兮，言定當思此笑語與主相對也。詩云：為龍為光，

定當應此寵光宣揚之也。詩云：令德壽凱，定當知已有德與否，須辭謝之也。詩云：萬福攸同，定當受同福荷君恩也。各準事而為之文。

○齊侯衛侯鄭伯如晉，朝嗣君也。晉昭公新立。公如晉。亦欲朝嗣君。

至河乃復取鄭之役。在十年。莒人愬于晉，晉有平公

之喪，未之治也。故辭公。公子慙，遂如晉。慙，魯大夫。如晉不書，還不復命。

晉侯享諸侯，子產相鄭伯，辭於享，請免喪。

而後聽命。簡公未葬。晉人許之禮也。善晉不奪孝子之情。晉侯以齊侯

宴中行穆子相穆子投壺晉侯先穆子曰有酒如淮

有肉如坻淮水名坻山名寡君中此為諸侯師中之齊

侯舉矢曰有酒如澠有肉如陵澠水出齊國臨淄縣北入時水陵大阜也○中去聲下同

澠音寡人中此與君代興代興也亦中之伯瑕謂穆子伯瑕

伯也曰子失辭吾固師諸侯矣壺何為焉其以中雋

也言投壺中不足為雋異齊君弱吾君歸弗來矣欲與晉君代興是弱之穆子曰

吾軍帥彊禦卒乘競勸今猶古也齊將何事言晉德不衰於

古齊不事晉將無所事○言齊何能為公孫僂趨進曰日旰君勤可以出矣

以齊侯出僂齊大夫傳言晉之衰○僂素口反旰古旦反

○楚子謂成虎若敖之餘也遂殺之

成虎令尹子玉之孫與鬬氏同出於若敖

宣四年鬬椒作亂今楚子信讚而託討若敖之餘

或譖成虎於楚子成虎知之而不

能行書曰楚殺其大夫成虎懷寵也

解經所以書名

○六月葬鄭簡公

傳終子產辭享明既葬則為免喪經書五月誤

○晉荀吳偽會齊師者假道於鮮虞遂入昔陽

鮮虞白狄

別種在中山新市縣昔陽肥國都樂平沾縣東有昔陽城○今直隸真定府新樂縣西南有新市故城俗名新城舖其地有鮮虞亭山西太原府平定州有昔陽城一說今真定府藁城縣西南昔陽亭是也此鼓之都非肥都 秋八月壬午滅肥以肥子

緜臯歸

肥白狄也緜臯其君名鉅鹿下曲陽縣西南有肥累城為下晉伐鮮虞起○今肥累城在藁城縣西南七里

○周原伯絞虐其輿臣使曹逃

原伯絞周大夫原公也輿衆也曹羣也

冬十



月壬申朔原輿人逐絞而立公子跪尋

跪尋絞弟絞奔郊

地郊周

○甘簡公無子立其弟過

甘簡公周卿士。過平聲下之子過同

過將去成

景之族

成公景公皆過之先君

成景之族賂劉獻公

欲使殺過劉獻公亦周卿士劉定公子

丙申殺甘悼公

悼公即過

而立成公之孫鮒

鮒平公。鮒音秋

丁酉

殺獻犬子之傅庾皮之子過

過劉獻公犬子之傅

殺瑕辛于市

及宮嬖綽王孫沒劉州鳩陰忌老陽子

六子周大夫及庾過皆甘悼公

之黨傳言周衰原甘二族所以遂微

○季平子立而不禮於南蒯

蒯南遺之子季氏費邑宰。費音秘

南蒯謂

子仲子仲公  
子慈

吾出季氏而歸其室於公

室季氏  
家財

子更其

位更代

我以費爲公臣子仲許之南蒯語叔仲穆子

且告之故

穆子叔仲帶之子叔仲小也  
語以欲出季氏以不見禮故

季悼子之卒也叔孫

昭子以再命爲卿

悼子季武子之子平子父也傳言叔孫之見命乃  
在平子爲卿之前○孔疏悼子之卒不書于經則

是未爲卿也其卒當在武子之前平  
子以孫繼祖武子卒後即平子立也

及平子伐莒克之更受三

命

十年平子伐莒以功加三命昭  
子不伐莒亦以例加爲三命

叔仲子欲構二家

欲構使  
相憎

謂

平子曰三命踰父兄非禮也

言昭子受三命  
自踰其先人

平子曰然

故使昭子

使昭子  
自貶黜

昭子曰叔孫氏有家禍殺適立庶

故媿也及此

禍在  
四年

若因禍以斃之則聞命矣

言因亂討  
己不敢辭

卷之九

三

若不廢君命則固有著矣著位次昭子朝而命吏曰：媿

將與季氏訟書辭無頗頗偏也。頗普何反。季孫懼而歸罪於

叔仲子故叔仲小南蒯公子愁謀季氏愁告公而

遂從公如晉愁子中南蒯懼不克以費叛如齊子仲還

及衛聞亂逃介而先介副使也及郊聞費叛遂奔齊言及郊解經所

以書出南蒯之將叛也其鄉人或知之過之而歎鄉人過蒯而歎

且言曰：恤恤乎湫乎攸乎恤恤憂患湫愁隘倏懸危之貌。湫子小反。詩攸攸旆旌故以攸為懸

之貌言南蒯之心若此深思而淺謀。邇身而遠志。家臣而君圖家臣而圖

人君之事故言思深而謀淺身近而志遠。思去聲。思慮深而知計淺言其知小而謀大也。身卑近而志高遠言其越分以求通也。為家臣而謀君事言

其非己所

當為也

有人矣哉

言今有此人微以感之

南蒯枚筮之

不指其事汎卜吉凶。孔疏枚

是筮之名尚書枚卜功臣謂人下一筮使歷卜之此則不告以所筮之事空下一筮而使之筮也

遇坤

坤下坤上坤

之比

坤下坎上比坤六五爻變

曰黃裳元吉

坤六五爻辭

以為大吉也

示子服惠伯曰即欲有事何如惠伯曰吾嘗學此

矣忠信之事則可不然必敗外彊內溫忠也

坎險故彊坤順

故溫彊而能溫所以為忠剛彊以禦難柔順以事主

和以率貞信也

水和而土安正和正信之本也。率循也用和柔之

性以循安正道

故曰黃裳元吉黃中之色也裳下之飾也元

善之長也中不忠不得其色

言非黃

下不共不得其飾

不為裳

事不善不得其極

失中德

外內倡和為忠

不相違也和去聲

率

事以信爲共

率猶行也。率訓循。循而行故率循行也。

供養三德爲善

三德謂正直剛克柔克也。

○供九用反養餘亮反。○孔疏剛則抑之柔則進之以志意供給長養之使合於中道各成其德乃爲善也。董遇注本爲共養解云畫井所以養成三德。

非此三者弗當

非忠信善不當此卦。

且夫易不可以占險將何

事也且可飾乎

夫易猶此易謂黃裳元吉之卦問其何事欲令從下之飾。○言凡易皆不可以占陰險之事問南蒯占此

卦將欲舉何事也欲今從下之飾爲恭。

中美能黃上美爲元下美則裳參成

可筮

參美畫備吉可如筮。

猶有闕也筮雖吉未也

有闕謂不參成。

將適費

飲鄉人酒

南蒯自其家還適費。

鄉人或歌之曰我有圃生之杞

乎

言南蒯在費欲爲亂如杞生于圃圃非宜也杞世所謂枸杞也。○圃所以殖菜蔬杞非可食之物也。

從我者子乎

子男子之通稱言從己可不失今之尊。

去我者鄙乎倍其鄰者恥乎

鄰猶親也。○鄙鄙賤之行。

也。已乎已乎。非吾黨之士乎。已乎已乎。言自遂不改。服氏虔曰。已乎。決絕之詞。平子

欲使昭子逐叔仲小。欲以自解說。小聞之。不敢朝。昭子命

吏謂小。待政於朝。曰。吾不爲怨府。言不能爲季氏逐小生。怨禍之聚。爲明年叔弓

聞費傳

○楚子狩于州來。狩冬獵也。次于潁尾。潁水之尾。在下蔡西。潁水入淮處也。下蔡。今江南潁州

府潁上縣使蕩侯潘子司馬督蹠尹午。陵尹喜帥師圍徐

以懼吳。五子楚大夫徐吳與國故圍之以備吳。楚子次于乾谿。在譙國城父縣南。以爲

之援。雨雪。王皮冠。秦復陶。秦所遺羽衣也。翠被。以翠羽飾被。

豹舄。以豹皮爲履。執鞭以出。執鞭以教令。僕析父從。楚大夫。從去聲。右尹

子革夕

子革鄭丹夕莫見

王見之去冠被舍鞭

敬大

與之語曰

昔我先王熊繹

楚始封君

與呂伋

齊大公之子丁公

王孫牟

衛康叔子康伯

變

父

晉唐叔之子

禽父

周公子伯禽

竝事康王

康王成王子

四國皆有分我

獨無有

四國齊魯衛分珍寶之器。分扶問反下同

今吾使人於周求鼎以為

分王其與我乎對曰與君王哉昔我先王熊繹辟

在荆山

在新城汴鄉縣南

篳路藍縷以處草莽跋涉山林以

事天子唯是桃弧棘矢以共禦王事

桃弧棘矢以禦不祥言楚在山林少所出

有。共。音恭。

齊王舅也

成王母齊太公女

晉及魯衛王母弟也楚是

以無分而彼皆有今周與四國服事君王將唯命

是從。豈其愛鼎。王曰。昔我皇祖伯父昆吾。舊許是

宅。

陸終氏生六子。長曰昆吾。少曰季連。季連楚之祖。故謂昆吾為伯父。昆吾嘗居許地。故曰舊許是宅。

今鄭人貪賴其

田。而不我與。我若求之。其與我乎。對曰。與君王哉。

周不愛鼎。鄭敢愛田。王曰。昔諸侯遠我而畏晉。今

我大城陳。蔡不羹。賦皆千乘。子與有勞焉。諸侯其

畏我乎。對曰。畏君王哉。是四國者。專足畏也。

四國。陳蔡二不

羹。羹音郎。

又加之以楚。敢不畏君王哉。工尹路請白。君

王命剝圭以為鍼。秘。

鍼。芥也。秘。柄也。破圭。玉以飾芥柄。鍼音威。秘音秘。

敢請命。

請制度之命。

王入視之。析父謂子革。吾子。楚國之望也。今與王



言如響。國其若之何。

讓其順王心。如響應聲。

子革曰：摩厲以須，王

出，吾刃將斬矣。

以已喻鋒刃欲自摩厲以斬王之淫慝。

王出，復語。左史倚相

趨過。

倚相，楚史名。

王曰：是良史也。子善視之，是能讀三墳

五典八索九丘。

皆古書名。索所白反。

對曰：臣嘗問焉。昔穆王欲

肆其心。

周穆王肆極也。

周行天下，將皆必有車轍馬跡焉。祭

公謀父作所招之詩，以止王心。

謀父，周卿士。所，父周司馬。世掌甲兵之職。招，其名。祭公，方

諫遊行，故指司馬官而言。此詩逸。招，常通反。

王是以獲沒於祗宮。

獲沒不見。篡弒。祗，音祈。竹書紀年：穆王

元年作祈宮于南鄭。

臣問其詩而不知也。若問遠焉，其焉能知

之。王曰：子能乎？對曰：能。其詩曰：所招之惜惜，式昭

德音

惜惜安和貌式用也。昭明也。○惜一心反。

思我王度式如玉式如金

金玉取其堅也。

形民之力而無醉飽之心

言剛之用民當隨其力任如金治之器隨器而制形故言形民之力去其

醉飽過盈之心。○美司馬之志性安和惜惜然女當用此職掌以明我王之德音思使我王之德度用如玉之堅用如金之重若用民力當隨其所能而制其形模以器使之去其醉飽盈溢之心此借司馬以諷諫王也。

王揖而入饋不食寢不寐數

日

深感子革之言

不能自克以及於難

克勝也

仲尼曰古也有志

克己復禮仁也信善哉楚靈王若能如是豈其辱

於乾谿

○晉伐鮮虞因肥之役也

肥役在此年

春秋左傳杜注卷第二十三

華亭姚培謙學

昭公

經十有三年春叔弓帥師圍費

不書南蒯以費叛不以告廟

○夏四

月楚公子比自晉歸于楚弑其君虔于乾谿

比去晉而不送

書歸者依陳蔡以入言陳蔡猶列國也比歸而靈王死故書弑其君靈王無道而弑稱臣比非首謀而反書弑比雖脅立猶以罪加也靈王死在五月又不在乾谿楚人生失靈王故本其始禍以赴之楚公子弃疾殺公子比

比雖為君而未列於諸侯故不

稱爵殺不稱人罪弃疾

○秋公會劉子晉侯齊侯宋公衛侯鄭伯

曹伯莒子邾子滕子薛伯杞伯小邾子于平邱

平邱在陳

留長垣縣西南。漢置平邱縣。晉廢。今故城在河南開封府陳留縣北九十里。八月甲戌同盟于平邱。

書同齊服故

公不與盟

魯不堪晉求讒。應弘多公不與盟。非國惡故不諱。

晉人執季孫意如

以歸。○公至自會

無傳

○蔡侯廬歸于蔡。陳侯吳歸

于陳

陳蔡皆受封于楚。故稱爵。諸侯納之曰歸。○胡傳稱歸于者。因其所宜歸也。稱侯者。位其所固有也。

○冬十月葬

蔡靈公

蔡復而後以君禮葬之

○公如晉。至河乃復

晉人辭公

○吳滅州

來

州來楚邑。用大師焉曰滅。

傅十三年春。叔弓圍費。弗克。敗焉。

為費人所敗。不書諱之。

平子怒。

令見費人。執之。以為囚。俘治區。夫曰：非也。

區夫魯大夫

若

見費人。寒者衣之。饑者食之。為之令主。而共其乏。

困費來如歸。南氏亡矣。民將叛之。誰與居邑。若憚  
之以威懼。之以怒。民疾而叛。爲之聚也。若諸侯皆  
然。費人無歸。不親南氏。將焉入矣。平子從之。費人

叛南氏

費叛南氏在明年。傳善區夫之  
謀。終言其效。○爲之聚于偽反。

○楚子之爲令尹也。殺大司馬蕩掩而取其室。

在襄  
三十

年及即位。奪蕩居田。

居掩之族言  
蕩氏所以怨

遷許而質許圍。

遷許在  
九年。圍

許大夫。  
質音致。

蔡洧有寵於王。王之滅蔡也。其父死焉。

楚滅  
蔡在

十一年。洧仕楚。其父在  
國故死。洧于軌反。

王使與於守而行。

使洧守國。王  
行至乾谿。

申之會。

越大夫戮焉。

申會在  
四年。

王奪鬬韋龜中犢。

韋龜。今尹子文玄孫。  
中犢。邑名。○犢。尺州。

反

又奪成然邑而使爲郊尹

成然韋龜子郊尹治郊竟大夫

蔓成然故

事蔡公

蔡公弃疾也故猶舊也韋龜以弃疾有當璧之命故使成然事之

故遠氏之族及遷

居許圍蔡洧蔓成然皆王所不禮也因羣喪職之

族啓越大夫常壽過作亂

常壽過申會所戮者○過平聲

圍固城克息

舟城而居之

息舟楚邑城之堅固者○顧氏炎武以固息舟爲二城名

觀起之死也其子

從在蔡事朝吳

觀起死在襄二十二年朝吳故蔡大夫聲子之子

曰今不封蔡蔡不

封矣我請試之

觀從以父死怨楚故欲試作亂

以蔡公之命召子干子

皙

二子皆靈王弟元年子干奔晉子皙奔鄭

告以蔡公不知謀

強與之盟

入襲蔡蔡公將食見之而逃

不知其故驚起辟之

觀從使子干

食坎用牲加書而速行

使子干居蔡公之牀食蔡公之食。竝偽與蔡公盟之徵驗以示衆。

已

徇於蔡

已觀從也。已音紀。

曰蔡公召二子將納之與之盟而

遣之矣將師而從之

詐言蔡公將以師助二子

蔡人聚將執之

執觀從辭

曰失賊成軍而殺余何益乃釋之

賊謂子干子替也言蔡公已成軍殺已不解罪

朝吳曰二三子若能死亡則如違之以待所濟

言若能為

靈王死亡則可違蔡公之命以待成敗如何

若求安定則如與之以濟所欲

言與蔡公

則可得安定

且違上何適而可

言不可違上也上謂蔡公

衆曰與之乃奉蔡

公召二子而盟于鄧

潁川台陵縣西南有鄧城二子子干子替

依陳蔡人以國

圍陳蔡而依之

楚公子比

子干

公子黑肱

子替

公子弃疾

蔡公

蔓成

然蔡朝吳帥陳蔡不羹許葉之師因四族之徒四族  
道氏

許圍蔡浦  
蔓成然

以入楚及郊陳蔡欲爲名故請爲武軍欲蔡  
蔓

以示後人爲  
復讎之名

蔡公知之曰欲速且役病矣請藩而已乃

藩爲軍

藩籬也○依字應作  
籬今作籬假借也

蔡公使須務牟與史狎先入

因正僕人殺犬子祿及公子罷敵

須務牟史狎楚大夫蔡  
公之黨也正僕犬子之

近官○狎皮  
皆反罷音皮

公子比爲王公子黑肱爲令尹次于魚陂

竟陵縣城西北有甘魚陂○今  
在湖廣安陸府景陵縣西北

公子弃疾爲司馬先除王宮

使觀從從師于乾谿而遂告之

從乾谿之師  
告使叛靈王

且曰先歸

復所後者剗

剗截鼻○  
剗魚器反

師及訾梁而潰

靈王還至訾梁而  
衆散○訾子斯反



王聞羣公子之死也。自投于車下。曰。人之愛其子也。亦如余乎。侍者曰。甚焉。小人老而無子。知擠于

溝壑矣。

擠。隊也。擠。子。細。反。

王曰。余殺人子多矣。能無及此乎。

右尹子華曰。請待于郊。以聽國人。

聽。國。人。之。所。與。

王曰。衆怒

不可犯也。曰。若入於大都。而乞師於諸侯。王曰。皆

叛矣。曰。若亡於諸侯。以聽大國之圖。君也。王曰。大

福不再。祇取辱焉。然丹乃歸于楚。

然。丹。子。華。奔。王。歸。

王公夏

將欲入鄢。

夏。漢。別。名。順。流。為。公。順。漢。水。南。至。鄢。

芋尹無宇之子申亥曰。吾

父再奸王命。

謂。斷。王。旌。執。人。於。章。華。宮。芋。子。付。反。奸。音。干。

王弗誅。惠孰大焉。君

不可忍。惠不可弃。吾其從王。乃求王。遇諸棘闈。以

歸。

棘里名。闈門也。孔氏曰。棘楚邑。闈巷門。

夏五月癸亥。王縊于芋尹申亥。

氏。

癸亥五月二十六日。皆在乙卯丙辰後。傳終言之。經書四月。

申亥以其二女殉而葬之。

觀從謂子干曰。不殺弃疾。雖得國。猶受禍也。子干

曰。余不忍也。子玉曰。人將忍子。

子玉觀從。

吾不忍侯也。乃

行。國每夜駭曰。王入矣。

相恐以靈王也。

乙卯夜。弃疾使周走

而呼曰。王至矣。

周徧也。乙卯十日。八日。呼去聲。

國人大驚。使蔓成然走

告子干。子干曰。王至矣。國人殺君司馬。將來矣。

司馬諱。

疾也。言司馬見殺。以恐子干。

君若早自圖也。可以無辱。衆怒如水火。

焉不可爲謀。又有呼而走至者曰：衆至矣。二子皆

自殺。

不書弑君位未定也。

丙辰，弃疾即位，名曰熊居。葬子干于

訾，實訾敖。

不成君，無號謚者，楚皆謂之敖。

殺囚，衣之王服，而流諸漢。乃

取而葬之，以靖國人。使子旗爲令尹。

子旗，蔓成然。衣去聲。

楚師

還自徐。

前年圍徐之師。謂蕩侯等五子伐徐之師也。

吳人敗諸豫章，獲其五帥。

定二年，楚人伐吳師于豫章。吳人見舟于豫章，而潛師于巢，以軍楚師於豫

章。又柏舉之役，吳人舍舟于淮汭，而自豫章與楚夾漢。此皆當在江北淮水

南。蓋後徙在江南豫章。

復九年所遷邑。

致羣賂。

始舉事時所貨賂。

施舍寬民，宥罪舉職。

舉職，脩廢官。

召觀從。王曰：唯爾所欲

觀。從教子干殺弃疾，弃疾今召用之，明在君爲君之義。

對曰：臣之先佐開卜，乃使爲卜。

尹佐卜人使枝如子躬聘于鄭。且致犖櫟之田。犖櫟本鄭邑楚

由取之平王新事畢弗致。知鄭自說服不復須賂故鄭人請曰：聞諸道路。

將命寡君以犖櫟，敢請命。對曰：臣未聞命。既復，王

問犖櫟降服而對。降服如今解冠也謝遂命曰：臣過失命，未之致也。

王執其手曰：子毋勤。言子毋以見使為勤勞姑歸，不穀有事，其告

子也。王善其有權有事將復使之他年，芋尹申亥以王柩告，乃改葬

之。初，靈王卜曰：余尚得天下。尚庶幾不吉，投龜詬天而

呼曰：是區區者而不余畀。區區小天下。呼豆反呼去聲余必自取

之。民患王之無厭也，故從亂如歸。初，共王無冢適

冢大也。○厭平聲。

適丁歷反。下同。

有寵子五人。無適立焉。乃大有事于

羣望。

羣望屋辰山川

而祈曰。請神擇於五人者。使主社稷。乃

徧以璧見於羣望。曰。當璧而拜者。神所立也。誰敢

違之。既乃與巴姬密埋璧於大室之庭。

巴姬。共王妾。大室。禩廟。

使

五人齊而長入拜。

從長幼以次拜。○齊音齋。

康王跨之。

過其上。

靈王肘加

焉。子干子皙皆遠之。平王弱。抱而入。再拜皆厭紐

微見璧紐以為審識。○遠去聲。厭於甲反。

鬪韋龜屬成然焉。

知其將立。故託其子。○屬音燭。

且曰。弃

禮違命。楚其危哉。

弃立長之禮。違當璧之命。終致靈王之亂。

子干歸。韓宣子問

於叔向曰。子干其濟乎。對曰。難。宣子曰。同惡相求。

如市賈焉。何難。

宣子謂弃疾親恃子干，共同好惡，故言如市賈同利以相求。賈音古。

對曰：無與。

同好，誰與同惡？

言弃疾本不與子干同好，則亦不得同惡。

取國有五難：有寵而

無人，一也。

寵須賢人而固。

有人而無主，二也。

雖有賢人當須內主為應。

有主而

無謀，三也。

謀策謀也。

有謀而無民，四也。

民衆。有民而無德，五

也。

四者既備，當以德成。

子干在晉十三年矣，晉楚之從，不聞達

者，可謂無人。

晉楚之士從子干游，皆非達人。

族盡親叛，可謂無主。

無親族在楚。

無釁而動，可謂無謀。

名子干時楚未有大釁。

為羈終世，可謂無民。

終身羈客在晉，是無民。

亡無愛徵，可謂無德。

楚人無愛念之者。

王虐而无忌

靈王暴虐，無所畏忌，將自亡。

楚君子干涉五難，以弑舊君，誰能濟之？

言楚借君子干以有楚國者其弃疾乎君陳蔡城外屬

獄靈王終無能成焉城方城也時穿封戌既死弃疾并領陳事苛慝不作盜賊伏隱私欲不違不以私欲

違民事民無怨心先神命之先神謂羣望國民信之芊姓有亂

必季實立楚之常也獲神一也當壁拜○芊彌爾反有民二也

之民信之令德三也無苛慝寵貴四也貴妃子居常五也弃疾有五刑

以去五難誰能害之子干之官則右尹也數其貴

寵則庶子也以神所命則又遠之其貴亡矣位不尊其

寵弃矣父既沒故民無懷焉非今德國無與焉無內主將何以立宣

子曰齊桓晉文不亦是乎皆庶賤○言皆出亡因亂而入對曰齊桓衛

姬之子也。有寵於僖。

衛姬齊僖公妾

有鮑叔牙賓須無隰朋

以爲輔佐。有莒衛以爲外主。

齊桓出奔莒衛有舅氏之助

有國高以

爲內主。

國氏高氏齊上卿

從善如流。

言其疾也下善齊肅。

齊嚴也肅敬也。齊音肅不

藏賄。

清也

不從欲。

儉也。從子用反

施舍不倦。

施舍猶言布恩德

求善不

厭。是以有國。不亦宜乎。我先君文公。狐季姬之子

也。有寵於獻。好學而不貳。

言篤志

生十七年。有士五人

狐偃趙衰顛頡魏武子司空季子五士從出

有先大夫子餘子犯以爲腹心。

子餘趙衰

子犯

有魏犢賈佗以爲股肱。

魏犢魏武子也稱五人而說四士賈佗又不在本數蓋叔向所賢

有

齊宋秦楚以爲外主。

齊妻以女宋贈以馬楚王享之秦伯納之

有欒卻狐先以



爲內主

謂樂枝郤癸  
孫突先軫也

亡十九年守志彌篤惠懷弃民

惠公  
懷公

不恤  
民也

民從而與之獻無異親民無異望

獻公之子九  
人唯文公在

天方

相晉將何以代文此二君者異於子干共有寵子

國有奧主

謂弃疾也○共音恭○室內西南隅謂之奧  
奧是內之義奧主國內之主故謂弃疾也

無施於民

無援於外去晉而不送歸楚而不逆何以冀國

傳言  
子干

所以蒙弑君之名弃疾  
所以得國○施去聲

○晉成虎祁

在八  
年

諸侯朝而歸者皆有貳心

賤其  
奢也

爲取

鄭故

取鄭在  
十年

晉將以諸侯來討叔向曰諸侯不可以

不示威

知晉德薄欲  
以威服之

乃竝徵會告于吳秋晉侯會吳子

于良

下邳有良城縣

水道不可。吳子辭，乃還。

辭不

七月丙寅治

兵于邾南，甲車四千乘。

三十萬

羊舌鮒攝司馬。

鮒叔向弟也，攝兼官。

遂合諸侯于平邱。子產子大叔相鄭伯以會。子產

以幄幕九張行。

幄幕軍旅之帳。○四合象宮室曰幄。在上曰幕。幄幕九張，蓋九幄九幕也。

子大叔以

四十，既而悔之，每舍損焉。及會，亦如之。

亦九張也。傳言子產之適宜，大

叔之從善

次于衛地。叔鮒求貨於衛。淫竇羗者

欲使衛患之而致貨。○淫縱也。

衛人使屠伯饋叔向羹，與一篋錦。

屠伯衛大夫

曰：諸侯事

晉，未敢攜貳。况衛在君之宇下。

屋宇之下，喻近也。

而敢有異

志，芻蕘者異於他日，敢請之。

請止。

叔向受羹，反錦。

受羹。

示不逆其意且非貨

曰晉有羊舌鮒者。瀆貨無厭。

瀆數也。厭平聲。數音呼。

亦將

及矣。

將及禍

爲此役也。

役事也。言叔鮒爲此淫芻蕘之事也。

子若以君命賜之。

其已客從之。未退而禁之。

禁芻蕘者

晉人將尋盟。齊人不

可。

有心故

晉侯使叔向告劉獻公。

獻公王卿士劉子

曰。抑齊人不

盟。若之何。對曰。盟以底信。

底致也。底音旨。

君苟有信。諸侯

不貳。何患焉。告之以文辭。董之以武師。雖齊不許。

君庸多矣。

董督也。庸功也。討之有辭。故功多也。

天子之老。請帥王賦。元戎

十乘。以先啓行。

天子大夫稱老。元戎戎車。在前者啓開也。行道也。

遲速唯君。

欲佐晉討齊

叔

向告于齊曰。諸侯求盟。已在此矣。今君弗利。寡君

以爲請對曰諸侯討貳則有尋盟若皆用命何盟

之尋

託用命以拒晉

叔向曰國家之敗有事而無業事則不

經

業貢賦之業

有業而無禮經則不序

須禮而有次序

有禮而無威

序則不共

禮須威嚴而後共

有威而不昭共則不明

威須昭告神明而後信義

著○孔疏有交好之事而無貢賦之業交好之事不得常矣有貢賦之常而無上下之禮事雖有常不次序矣有上下之禮而無可畏之威雖有次序不

共敬矣有可畏之威而不昭告神明雖為共敬不明著矣

不明弃共百事不終所由傾覆

也

信義不明則弃威不威弃禮無禮無經無經無業故百事不成

是故明王之制使諸侯歲

聘以志業

志識也歲聘以脩其職業

閒朝以講禮

三年而一朝正班爵之義率長幼之序○閒去聲

再

朝而會以示威

六年而一會以訓上下之則制財用之節

再會而盟以顯昭明

十二年而一盟所以昭信義也凡八聘  
四朝再會王一巡守盟于方嶽之下

志業於好

聘也。好去聲。

講禮於

等朝

也。示威於衆

會也。

昭明於神

盟也。

孔疏志識貢賦之業在於交好故使聘也講習上下之

禮在於等差故使朝也示可畏之威在於衆聚故為會也昭明德之信在於告神故為盟也

自古以來未之或

失也存亡之道恒由是興晉禮主盟

依先王先公舊禮主諸侯盟

懼

有不治奉承齊犧

齊盟之犧牲

而布諸君求終事也

終竟也求終

竟盟約之事

君曰余必廢之何齊之有唯君圖之寡君聞

命矣齊人懼對曰小國言之大國制之敢不聽從

既聞命矣敬共以往遲速唯君叔向曰諸侯有閒

矣

閒隙也

不可以不示衆八月辛未治兵

習戰

建而不旆

建立旌旗不曳其旆旆游也

壬申復旆之諸侯畏之

軍將戰則旆曳旆以恐之

邾人

莒人愬于晉曰魯朝夕伐我幾亡矣

自昭公即位邾魯同好又不朝夕伐莒無

故怨刻也晉人信之所謂讒慝弘多

我之不共魯故之以

不共晉貢以魯故也

晉侯不

見公使叔向來辭曰諸侯將以甲戌盟寡君知不

得事君矣請君無勤

託謙辭以絕魯

子服惠伯對曰君信蠻

夷之訴

蠻夷謂邾莒

以絕兄弟之國弃周公之後亦唯君

寡君聞命矣叔向曰寡君有甲車四千乘在雖以

無道行之必可畏也况其率道其何敵之有牛雖

瘠償於豚上其畏不死

償什也

南蒯子仲之憂其庸可

弃乎。

弃猶忘也。

若奉晉之衆，用諸侯之師，因邾莒杞鄆之

怒。

四國近魯，數以小事相忿，鄆已滅，其民猶存，故并以恐魯。

以討魯罪，間其二憂。

因南蒯子仲二憂為閒隙。

何求而弗克，魯人懼，聽命。甲戌，同盟于平邱。齊

服也。

經所以稱同。

令諸侯日中造于除。

除地為壇，盟會處。

癸酉，退朝。

先盟朝晉。

子產命外僕速張於除。

張帷幕。

子大叔止之，使待明

日及夕，子產聞其未張也，使速往，乃無所張矣。

地已滿也。

傳言子產每事敏於大叔。

及盟，子產爭承。

承貢賦之次。言所出貢賦多少之次，當承何國之下也。

曰：昔天

子班貢輕重以列。

列位也。

列尊貢重，周之制也。

公侯地廣，故所貢者多。

卑而貢重者，甸服也。

甸服謂天子畿內共職貢者。

鄭伯男也，而使從。

公侯之貢

言鄭國在甸服外爵列伯子男不應出公侯之貢。王氏肅曰鄭伯爵而連男言之猶言曰公侯足甸服也。

懼弗

給也。敢以爲請。諸侯靖兵好以爲事。

靖息也。好去聲。

行理

之命

行理使人通聘問者。

無月不至。貢之無藝。

藝法制。

小國有關所

以得罪也。諸侯脩盟存小國也。貢獻無極。亡可待

也。存亡之制。

制貢輕則小國存。制貢重則小國亡。

將在今矣。自日中以爭。

至于昏。晉人許之。既盟。子犬叔咎之曰。諸侯若討。

其可瀆乎。

瀆易也。言晉若以諸侯之兵討鄭其可瀆慢而不畏乎。

子產曰。晉政多門。

政不一。

家貳偷之不暇。何暇討。

貳不壹。偷苟且。

國不競亦陵。何國之

爲

不競爭則爲人所侵陵不成爲國。

公不與盟。

信邾莒之訴欲討魯故。

晉人執季孫意



如以幕蒙之

蒙裏也

使狄人守之司鐸射

魯大夫

懷錦奉壺

飲冰以蒲伏焉守者御之乃與之錦而入

蒲伏竊往飲李孫冰蒲蒲

蓋可以取飲。一云時方盛夏故飲冰以辟暑奉音捧蒲伏本又作匍匐

晉人以平子歸子服湫從

湫子服惠伯從至

子產歸未至聞子皮卒哭且曰吾已

已猶決竟

無爲爲善矣

言無爲更須爲善矣

唯夫子知我

言子皮知己之善

仲尼

謂子產於是行也足以爲國基矣詩曰樂旨君子

邦家之基

詩小雅言樂與君子爲治乃國家之基本

子產君子之求樂者也且

曰合諸侯藝貢事禮也

嫌爭競不順故以禮明之。言盟主會合諸侯限藝貢賦使之有常是爲得禮

則子產爭之不爲有失也

○鮮虞人聞晉師之悉起也

五年傳曰遺守四千今甲車四千乘故為悉起

而不

警邊且不脩備

言夷狄無謀

晉荀吳自著雍以上軍侵鮮

虞及中人驅衝競

中山望都縣西北有中人城驅衝車與狄爭逐○中人城今屬直隸保定府唐縣

大

獲而歸

為十五年晉伐鮮虞傳

○楚之滅蔡也靈王遷許胡沈道房申於荆焉平

王即位既封陳蔡而皆復之禮也

滅蔡在十一年許胡沈小國也道房申皆故諸

侯楚滅以為邑荆荆山也傳言平王得安民之禮汝南有吳防縣即防國○今河南汝寧府遂平縣西有吳房城本房子圍楚靈王遷房於楚吳夫概奔楚楚封於此故曰吳房

杜作防傳寫誤也

隱犬子之子廬歸于蔡禮也

隱犬子犬子有也廬蔡平

侯悼犬子之子吳歸于陳禮也

悼犬子偃師也吳陳惠公

○冬十月葬蔡靈公禮也

國復成禮以葬也此陳蔡事傳皆言禮嫌楚所封不得比諸侯故明之

○公如晉荀吳謂韓宣子曰諸侯相朝講舊好也

執其卿而朝其君有不好焉不如辭之乃使士景

伯辭公于河

景伯士文伯之子彌牟也

○吳滅州來令尹子旗請伐吳王弗許曰吾未撫

民人未事鬼神未脩守備未定國家而用民力敗

不可悔州來在吳猶在楚也子姑待之

傳言平王所以能存國

○季孫猶在晉子服惠伯私於中行穆子

私款之語曰魯

事晉何以不如夷之小國魯兄弟也土地猶大所

命能具。若爲夷弃之。使事齊楚。其何瘳於晉也。瘳差也親

親與大賞共罰否。所以爲盟主也。子其圖之。諺曰。

臣一主二。

言一臣必有二主道不合得去事他國

吾豈無大國。

言非獨晉可事

穆子告

韓宣子。且曰。楚滅陳。蔡不能救。而爲夷執親將焉。

用之。乃歸季孫。惠伯曰。寡君未知其罪。合諸侯而

執其老。

老尊卿稱

若猶有罪。死命可也。

死晉命也

若曰無罪。而惠

免之。諸侯不聞。是逃命也。何免之爲。請從君惠於

會。

欲得盟會見遺不欲私去

宣子患之。謂叔向曰。子能歸季孫乎。對

曰。不能。鮒也能。

鮒叔魚

乃使叔魚。叔魚見季孫曰。昔鮒

也得罪於晉君自歸於魯君

蓋襄二十一年坐叔虎與欒氏黨并得罪

微武子

之賜不至於今

武子季平子祖父

雖獲歸骨於晉猶子則肉

之敢不盡情歸子而不歸鮒也聞諸吏將爲子除

館於西河

西使近河

其若之何且泣

泣以信其言

平子懼先歸惠

伯待禮

待見遣之禮

經十有四年春意如至自晉

書至者喜得免

○三月曹伯滕

卒

無傳四同盟

○夏四月

無傳

○秋葬曹武公

無傳

○八月莒

子去疾卒

未同盟

○冬莒殺其公子意恢

以禍亂告不必繫於為卿故雖公子亦書

意恢與亂君為黨故書名惡之○恢苦回反○陳氏傳良曰書殺意恢以非其罪也

傳十四年春。意如至自晉。尊晉罪己也。

以舍族為尊晉罪己

晉罪己禮也。

禮脩己而不責人。孫氏復曰。大夫執則至。至則名不稱氏。前見也。

○南蒯之將叛也。盟費人司徒老祁慮癸。

二人南蒯家臣。司徒老

祁為一人。慮癸為一人。司徒姓老祁字。

偽廢疾。使請於南蒯曰。臣願受盟而

疾興。若以君靈不死。請待閒而盟。

閒。差也。差。初賣反。

許之。二

子因民之欲叛也。請朝衆而盟。

欲因合衆以作亂。

遂劫南蒯。

曰。羣臣不忘其君。

君謂季氏。

畏子以及今。三年聽命矣。子

若弗圖。費人不忍其君。將不能畏子矣。

不能復畏子。

子何

所不逞。欲請送子。

送使出齊。

請期五日。

南蒯請期。其有變。

遂奔齊。侍

飲酒於景公。公曰：「叛夫。」戲對曰：「臣欲張公室也。」張強也。

子韓皙曰：

齊大夫

家臣而欲張公室，罪莫大焉。

言趙

司徒

老邾慮癸來歸費。

歸魯

齊侯使鮑文子致之。

南蒯雖叛費人不從，未專

屬齊二子逐蒯而復其舊，故經不書歸費。齊使文子致邑，欲以假好，非事實也。

○夏，楚子使然丹簡上國之兵於宗邱，且撫其民。

上國在國都之西，西方居上流，故謂之上國。宗邱，楚地。○當在今湖廣荊州府歸州境。

分貧振窮。

分與也。振，救也。

長孤。

幼養老疾，收介特。

介特，單身民也。收養不使流散。

救災患，宥孤寡。

寬其賦稅。赦

罪戾，詰姦慝。

詰，責問也。

舉淹滯。

淹滯，有才德而未敘者。

禮新敘舊。

新，新舊族也。

祿勲。

合親。

勲，功也。親，九族。

任良物官。

物事也。○言量事而官之也。

使屈罷簡東國之

兵於召陵

兵在國都之東者。罷音皮。

亦如之

如然并

好於邊疆

結好四鄰

息民

五年而後用師禮也

○秋八月莒著邱公卒郊公不感

郊公著邱公子。著直居反。

國人

弗順欲立著邱公之弟庚與

庚與莒共公。與音餘本亦作與。

蒲餘侯

惡公子意恢而善於庚與

蒲餘侯莒大夫茲夫也。意恢莒羣公子。

郊公惡公

子鐸而善於意恢

鐸亦羣公子。

公子鐸因蒲餘侯而與之

謀曰爾殺意恢我出君而納庚與許之

為下冬殺意恢傳。

○楚令尹子旗有德於王不知度

有佐立之德。

與養氏比

而求無厭

養氏子旗之黨養由基之後。比毗志反。厭平聲。

王患之九月甲午楚子



殺鬪成然而滅養氏之族使鬪辛居鄭以無忘舊

勲

辛子旗之子鄭公辛○鄭音云

○冬十二月蒲餘侯茲夫殺莒公子意恢郊公奔齊公子鐸逆庚與於齊齊隰黨公子鉏送之有賂

田

莒賂齊以田

○晉邢侯與雍子爭鄙田

邢侯楚申公巫臣之子也雍子亦故楚人○鄙許六反襄二十六年傳稱

巫臣奔晉晉人與之邢雍奔晉晉人與之鄙則鄙見是雍子之出也

久而無成士景伯如楚

士景伯晉理官

叔魚攝理

攝代景伯

韓宣子命斷舊獄罪在雍子雍子納

其女於叔魚叔魚蔽罪邢侯

蔽斷也○斷丁亂反

邢侯怒殺叔

魚與雍子於朝。宣子問其罪於叔向。叔向曰：三人

同罪，施生戮死可也。

施行罪也。

雍子自知其罪而賂以買

直，鮒也。鬻獄，邢侯專殺，其罪一也。已惡而掠美為

昏。

掠取也。昏亂也。掠音亮。

貪以敗官為墨。

墨不潔之稱。

殺人不忌為賊。

忌畏也。

夏書曰：昏墨賊殺。

逸書三者皆死刑。

臯陶之刑也。請從之。乃

施邢侯而尸雍子與叔魚於市。仲尼曰：叔向古之

遺直也。

言叔向之直有古人遺風。

治國制刑，不隱於親。

謂國之大問已所答當也。至於他事則宜

有隱。當去聲。

三數叔魚之惡，不為末減。

末薄也。減輕也。皆以正言之。

曰：義也。

夫可謂直矣。

於義未安直則有之。孔疏：義者於事合宜，所為得理。直者唯無阿曲，未能圓通。

平邱之會。

數其賄也

謂言濟貨無厭

以寬衛國。晉不爲暴。歸魯季孫。稱

其詐也

謂言謝也。能

以寬魯國。晉不爲虐。邢侯之獄。言其

貪也。以正刑書。晉不爲頗。三言而除三惡。加三利

三惡暴虐頗也。三惡除則三利加。頗善何反。

殺親益榮

榮名益己

猶義也。夫

三罪唯答宣子問不可以不正

其餘則以直傷義故重疑之

經十有五年。春。王正月。吳子夷末卒。

無傳未同盟

○二月。

癸酉。有事于武宮。籥入。叔弓卒。去樂卒事。

魯書有夷末叔弓卒起也

武宮魯武公廟。成六年復立之。○孔疏。祭必有樂。樂有文舞武舞。文執羽籥。武執干鉞。其入廟也。必先文而後武。當籥始入。叔弓暴卒。故於是去樂不用。而終卒祭事也。叔弓之卒。當籥入之時。故舉籥入也。及其去之。則

諸樂皆去。故云去樂。鐘鼓管磬悉皆去之。非獨去籥舞也。

○夏。蔡朝。

吳出奔鄭

朝吳不違讒人所以見逐而書名。胡傳朝吳曷為出奔費無極害其寵也。無極楚之讒人志朝吳出奔而入鄭之師兆矣。

○六月丁巳朔日有食之

無傳

○秋晉荀吳帥師伐

鮮虞○冬公如晉

傳十五年春將禘于武公

汪氏克寬曰有事武宮乃春祠之祭也左氏以禘為四時之祭遂誤以

為禘耳

戒百官

齊戒○將祭必齊祭前豫戒之

梓慎曰禘之日其有咎乎吾

見赤黑之祲非祭祥也喪氛也

祲妖氣也蓋見於宗廟故以為非祭祥也氛惡氣也○祲

子鳴反

其在涖事乎

涖臨也○涖事者當其谷

二月癸酉禘叔弓涖事驚

入而卒去樂卒事禮也

大臣卒故為之去樂

○楚費無極害朝吳之在蔡也

朝吳蔡大夫有功於楚平王故無極恐其有寵疾害之○

費扶  
味反

欲去之。乃謂之曰。王唯信子。故處子於蔡。子亦

長矣。而在下位。辱必求之。吾助子請。請求又謂其上

之人。蔡人在上位者曰。王唯信吳。故處諸蔡。二三子莫之如

也。而在其上。不亦難乎。弗圖。必及於難。夏。蔡人逐

朝吳。朝吳出奔鄭。王怒曰。余唯信吳。故寘諸蔡。且

微吳。吾不及此。女何故去之。無極對曰。臣豈不欲

吳。非不欲善吳然而前知其爲人之異也。言其多權謀吳在蔡。蔡

必速飛去吳。所以翦其翼也。以鳥喻也。言吳在蔡。必能使蔡速強而背楚。

○六月乙丑。王子壽卒。周景王○秋八月戊寅。王穉

后崩

犬子壽之母也傳為晉荀躒如周葬穆后起

○晉荀吳帥師伐鮮虞圍鼓

鼓白狄之別鉅鹿下曲陽縣有鼓聚。下曲陽故城在今直隸

真定府晉州西今晉州治即鼓圍漢志所謂鼓聚也

鼓人或請以城叛穆子弗許左右

曰師徒不勤而可以獲城何故不為穆子曰吾聞

諸叔向曰好惡不愆民知所適事無不濟愆過也適歸也或

以吾城叛吾所甚惡也人以城來吾獨何好焉賞

所甚惡若所好何無以復加所好若其弗賞是失信也何以

庇民力能則進否則退量力而行吾不可以欲城

而適女所喪滋多使鼓人殺叛人而繕守備圍鼓

三月鼓人或請降使其民見曰猶有食色姑脩而

城軍吏曰獲城而弗取勤民而頓兵何以事君穆

子曰吾以事君也獲一邑而教民怠將焉用邑邑

以賈怠不如完舊完猶保守○賈音古○言與其獲一邑而賈人以怠惰不如令其民姑保守其舊也賈怠

無卒卒終也弃舊不祥鼓人能事其君我亦能事吾君

○今不受其降使其盡力守城是鼓人能事其君我教民不怠是我亦能事吾君也率義不爽爽差也好惡不愆

城可獲而民知義所知義所在也苟吳必其能獲故因以示義有死命而無二

心○盡忠以死君命不亦可乎鼓人告食竭力盡而後取之

克鼓而反不戮一人以鼓子戴鞮歸戴鞮鼓君名○戴本又作鞮惟全反

鞞  
兮反

○冬公如晉平邱之會故也

平邱會公不與盟季孫見  
執今既得免故往謝之

○十二月晉荀躒如周葬穆后籍談爲介既葬除

喪以文伯宴樽以魯壺

文伯荀躒也魯壺魯所獻壺樽  
其酒樽用魯人所獻壺樽

王曰

伯氏

晉同姓國故王  
稱其大夫爲伯氏

諸侯皆有以鎮撫王室晉獨無

有何也

感魯壺而言也鎮撫  
王室謂貢獻之物

文伯揖籍談

文伯無辭揖  
籍談使對

對曰諸

侯之封也皆受明器於王室

謂明德之分器  
分扶問反年內同

以鎮撫

其社稷故能薦彝器於王

薦獻也彝常也謂可常  
寶之器若魯壺之屬

晉居深

山戎狄之與鄰而遠於王室王靈不及拜戎不暇



言王寵靈不見及。其何以獻器。王曰：叔氏而忘諸乎？叔籍談字

故數為戎所加陵。稱荀驪為伯氏。故稱其介為叔氏。叔父唐叔成王之母弟也。其反無分

乎。密須之鼓與其大路。文所以大蒐也。密須媾姓國也。在安定陰密縣。

文王伐之得其鼓。路以蒐。今陰密故。闕鞏之甲。武所以克商

也。闕鞏國所出鎧。鎧開代反。唐叔受之以處參虛。臣有戎狄。參虛實沈之次。

晉之分野。參所金反。其後襄之二路。周襄王所賜晉文公大路戎路。鉞鉞鉅鬯。鉞鉞也。鉞鉞也。鉞鉞也。

和黑黍鬯香酒。鉞音戚。孔疏鉞鉞俱是斧。鉞大斧小尚書武王左杖黃鉞。孔安國云以黃金飾斧是鉞以金飾也。賜鉞鉞使專殺戮。賜鉞鉞使之

祭先祖也。彤弓虎賁。文公受之以有南陽之田。事在僖二十八年。撫

征東夏。非分而何。夫有勲而不廢。加董實。有績而載。書功於策。

奉之以土田

有南陽

撫之以彝器

弓鉞之屬

旌之以車服

襄明二路

之以文章

旌旗

子孫不忘所謂福也。福祚之不登叔

父焉在

言福祚不在叔父當在誰邪

且昔而高祖孫伯鷹司晉之典

籍以爲大政故曰籍氏

孫伯鷹曰正卿籍談九世祖鷹以斬反○九世祖稱高祖者言是高遠之祖也

鄰子以少皞爲高祖意同

及辛有之二子董之晉於是乎有董史

辛有周人

也其二子適晉爲大史籍鷹與之共董督晉典因爲董氏董狐其後

女司典之後也何故忘之

籍談不能對賓出王曰籍父其無後乎數典而忘

其祖

忘祖業○數色主反

籍談歸以告叔向叔向曰王其不終

乎吾聞之所樂必卒焉今王樂憂若卒以憂不可

謂終王一歲而有三年之喪二焉

天子絕期唯服三年故  
后雖期通謂之三年喪

○顧氏炎武曰禮為長子斬衰三年喪妻雖期年而傳  
曰父必三年然後娶達子之志也是亦有三年之義

於是乎以喪

賓宴又求彝器樂憂甚矣且非禮也彝器之來嘉

功之由非由喪也

○孔疏諸侯自有善功乃作  
常器以獻其功獻非由喪也

三年之喪雖

貴遂服禮也

天子諸侯除喪當在卒哭今王既葬而除故譏其不遂  
○孔疏遂由申也竟也言三年之喪雖貴為天子由當

申遂其服  
使終日月

王雖弗遂宴樂以早亦非禮也

言今雖不能遂  
服猶當靜嘿而

便宴樂又  
失禮也

禮王之大經也一動而失二禮無大經矣

失二禮謂既不  
遂服又設宴樂

言以考典

考成也

典以志經忘經而多言舉

典將焉用之

為二十二年  
王室亂傳

經十有六年春齊侯伐徐○楚子誘戎蠻子殺之

○戎是種號蠻是國名子爵也

○夏公至自晉○秋八月己亥晉侯夷

卒

未同盟

○九月大雩○季孫意如如晉○冬十月葬

晉昭公

三月而葬速

傳十六年春王正月公在晉晉人止公不書諱之

也

猶以取鄭故也公為晉人所執止故諱不書

○齊侯伐徐楚子聞蠻氏之亂也與蠻子之無質

也

質信也○蠻子雖與楚舊交元無誠信使然丹誘戎蠻子嘉殺之遂取蠻

氏既而復立其子焉禮也

詐之非也立其子禮也河南新城縣東南有蠻城○今在河南汝州西南

二月丙申齊師至于蒲隧

蒲隧徐地。下邳取慮縣東有蒲如陵。今在江南鳳陽府虹縣北取慮上。

音秋。下力居。反。跋。彼。皮。反。

徐人行成。徐子及邾人莒人會齊侯盟于

蒲隧。賂以甲父之鼎。

甲父古國名。高平昌邑縣東南有甲父亭。徐人得甲父鼎以賂齊。邾莒畏齊討已故從。

徐子受齊盟。昌邑城今在山東兗州府金鄉縣西北四十里。

叔孫昭子曰。諸侯之無伯害

哉。

為小國害。

齊君之無道也。興師而伐遠方。會之有成而

還。莫之亢也。

無亢。禦。

無伯也。夫。詩曰。宗周既滅。靡所止

戾。正大夫離居。莫知我肄。

詩小雅。戾定也。肄勞也。言周舊為天下宗。今乃衰滅。亂無息定。執政大夫。

離居異心。無有念民勞者也。

其是之謂乎。

傳言晉之衰。言今晉衰微不能止亂。晉之諸卿異心不憂民之勞苦。如詩人之所云。

○三月晉韓起聘于鄭。鄭伯享之。子產戒曰。苟有

位於朝無有不共恪。孔張後至。立於客間。

孔張子孔之孫。禮大夫。

立於東夾南面。張立於客間者。蓋賓入未升階時。立於西方。孔張誤立於客間也。

執政禦之。

執政掌位列者。禦止也。

適客。

後。又禦之。適縣間。

縣。樂肆。張又移立於客之西。執政又禦止之。張又益趨西。乃立於鐘磬樂肆之間。

客從。

而笑之。事畢。富子諫。

富子。鄭大夫諫子產也。

曰。夫大國之人。不可

不慎也。幾爲之笑而不陵我。

言數見笑則必陵侮我。幾居豈反下。幾求同。

我皆

有禮。夫猶鄙我。

鄙。賤也。言以我爲鄙。邑而陵之也。

國而無禮。何以求榮。

孔張失位。吾子之恥也。子產怒曰。發命之不衷。

衷。當也。

出令之不信。刑之頗類。

緣事類以成偏頗。頗。普多反。孔疏。事有相類。眞僞難明。緣此事類以致偏。

頗也。服虔讀類爲類解。云頗偏也。類不平也。

獄之放紛。

放。縱也。紛。亂也。

會朝之不敬。

謂國無禮敬之。

心○會朝謂出外會朝於大國使命之不聽下不從上命取陵於大國。罷民而

無功。罪及而弗知。僑之恥也。孔張君之昆孫。子孔

之後也。昆兄也。子孔。鄭襄公兄。孔張之祖父。執政之嗣也。子孔嘗執鄭國之政。爲嗣大

夫。承命以使。周於諸侯。國人所尊。諸侯所知。立於

朝而祀於家。卿得自立廟於家。使去聲。下以使同。有祿於國。受祿邑。有賦於軍。

軍出卿賦百乘。喪祭有職。有所主。受脤歸脤。受脤謂君祭以肉。賜大夫。歸脤謂大夫祭歸肉於公。皆社之戎

祭也。○脤。市軫反。○孔疏。大夫不得私自出軍。自祭私社。而得歸脤於公者。謂大夫奉君命。以戎事攝祭於社也。其祭在廟。

已有著位。在位數世。世守其業。而忘其所。僑焉得

恥之。其祭在廟。謂助君祭。辟邪之人。而皆及執政。是先王無刑

罰也

言為過謬者自應用刑罰。○辟，匹亦反。

子寧以他規我

規，正也。

宣子有環，其

一在鄭商

玉環，同工共於自共為雙。

宣子謁諸鄭伯

謁，請也。

子產弗與，曰：

非官府之守器也。寡君不知，子大叔子羽謂子產

曰：韓子亦無幾求

言所求少。

晉國亦未可以貳。晉國韓子

不可偷也

偷，薄也。

若屬有讒人交鬪其間

屬，音燭。

鬼神而助

之，以興其凶怒，悔之何及？吾子何愛於一環，其以

取憎於大國也。盍求而與之。子產曰：吾非偷晉而

有二心，將終事之，是以弗與。忠信故也。

○所以盡忠於宣子而守與晉

之信也。

僑聞君子非無賄之難，立而無令名之患。僑聞



爲國非不能事大字小之難。無禮以定其位之患。

夫大國之人。令於小國。而皆獲其求。將何以給之。

一其一否。爲罪滋大。滋益也。大國之求。無禮以斥之。何。

饜之有。吾且爲鄙邑。則失位矣。不復成國。若韓子奉命以。

使而求玉焉。貪淫甚矣。獨非罪乎。出一玉以起二。

罪。吾又失位。韓子成貪。將焉用之。且吾以玉賈罪。

不亦銳乎。銳細小也。賈音古。韓子買諸賈人。既成賈矣。商人。

曰。必告君大夫。韓子請諸子產。曰。日起請夫環。執。

政弗義。弗敢復也。復重求也。成賈音嫁。今買諸商人。商人曰。必。

以聞。敢以爲請。子產對曰。昔我先君桓公與商人

皆出自周。

鄭本在周畿內桓公東遷并與商人俱

庸次比耦。

庸用也。用次更相從耦耕。○比毗志反。○言與商

人用次序相比而耦耕也。

以艾殺此地。斬之蓬蒿藜藿而共處之。世

有盟誓以相信也。曰。爾無我叛。我無強賈。

無強市其物。○艾魚廢反。

藿徒弔反。強其丈反。賈音古。

毋或勾奪。爾有利市寶賄。我勿與知。恃

此質誓。故能相保。以至于今。今吾子以好來辱。而

謂敝邑強奪商人。是教敝邑背盟誓也。毋乃不可

乎。吾子得玉而失諸侯。必不爲也。若大國令而共

無藝。

藝法也。

鄭鄙邑也。

○則是鄭國爲晉邊鄙之邑。

亦弗爲也。

不欲爲鄙邑之事。

僑

若獻玉不知所成敢私布之布陳也韓子辭玉曰起不

敏敢求玉以徼二罪敢辭之傳言子產知禮宣子能改過夏四月鄭

六卿餞宣子於郊餞送行飲酒宣子曰二三君子請皆賦

起亦以知鄭志詩言志也子蕃賦野有蔓草子蕃子皮之子嬰齊也野有蔓草詩鄭風

取其邂逅相遇適我願兮○蕃才何反宣子曰孺子善哉吾有望矣君子相願己所望也子

產賦鄭之羔裘言鄭別於唐羔裘也取其彼已之子舍命不渝邦之彥兮以美韓子宣子曰起不

堪也不堪圍之司直子大叔賦褰裳褰裳詩曰子惠思我褰裳涉溱子不思豈無他人言宣子思己將有褰裳

之志如不我思亦豈無他人宣子曰起在此敢勤子至於他人乎言己今崇

好在此不復令子適他人子大叔拜謝宣子之有鄭宣子曰善哉子之言是是善

不有是事其能終乎

韓起不欲令鄭求他人子犬叔拜以答之所  
以晉鄭終善○傳氏遜曰人情相與玩習恒

不善其終惟有是  
警戒當能終於好

子游賦風雨

子游駟帶之子駟僮也風雨  
詩取其既見君子云胡不夷

子旗

賦有女同車

子旗公孫段之子豐施也有女同  
車取其洵美且都愛樂宣子之志

子柳賦摯兮

子柳  
印段

之子印癸也摯兮詩取其偁子和女  
言宣子偁已將和從之○摯他洛反

宣子喜曰鄭其庶乎

庶幾於  
與盛

二三君子以君命貺起賦不出鄭志

六詩皆鄭風故  
曰不出鄭志

皆

昵燕好也

昵親也賦不出其國以  
示親好○昵女乙反

二三君子數世之主也

可以無懼矣宣子皆獻馬焉而賦我將

我將詩頌取其  
日靖四方我其

夙夜畏天之威言志  
在靖亂畏懼天威

子產拜使五卿皆拜曰吾子靖亂敢

不拜德宣子私覲於子產以玉與馬曰子命起舍

夫玉是賜我玉而免吾死也。敢不藉手以拜。

以玉馬藉手拜謝

○公至自晉。晉聽公歸子服昭伯語季平子。

昭伯惠伯之子。子服回也。隨公從晉還。

曰：晉之公室，其將遂卑矣。君幼弱，六卿彊而奢傲，將因是以習。習實爲常，能無卑乎？平子曰：爾幼惡

識國。

昭伯尚少，平子不信其言。○惡，平聲。

○秋八月，晉昭公卒。

爲下平子，如晉葬起。

○九月，大雩，旱也。鄭大旱，使屠擊祝款，豎柎，有事

於桑山。

三子，鄭大夫有事祭也。柎，音附。

斬其木，不雨。子產曰：有事于

山，藝山林也。

藝，養護，令繁殖。○藝，音藝。

而斬其木，其罪大矣。奪之官

邑

○冬十月季平子如晉葬昭公平子曰子服回之

言猶信

自往見之乃信回言

子服氏有子哉

有賢子也

經十有七年春小邾子來朝○夏六月甲戌朔日

有食之○秋邾子來朝○八月晉荀吳帥師滅陸

渾之戎○冬有星孛于大辰

大辰房心尾也妖變非常故書大火謂之大辰大辰蒼龍宿

之體心在中最明故以候四時宗音

○楚人及吳戰于長岸

吳楚兩敗

佩彗星也狀似掃帚光芒孛孛然莫肯告負故但書戰而不書敗也長岸楚地○今江南太平府當塗縣西南三十里有西梁山與東梁山夾江相對如門之闕亦曰天門山郡國志云春

秋楚獲吳舟餘皇處也

傳十七年春小邾穆公來朝公與之燕季平子賦

采叔

采叔詩小雅取其君子來朝何錫與之以穆公喻君子

穆公賦菁菁者莪

菁菁者莪亦詩小雅取其

既見君子樂且

昭子曰不有以固其能久乎

嘉其能答賦言其賢故能久有國

○夏六月甲戌朔日有食之祝史請所用幣

禮正陽之月日

食當用幣於社故請之

昭子曰日有食之天子不舉

不舉盛饌

伐鼓於社

賁

諸侯用幣於社

賁上

伐鼓於朝

賁首

禮也平子禦之

也

曰止也唯正月朔慝未作日有食之於是乎有

伐鼓用幣禮也其餘則否大史曰在此月也

正月謂建巳正

陽之月也於周為六月於夏為四月慝陰氣也四月純陽用事陰氣未動而侵陽災重故有伐鼓用幣之禮也平子以為六月非正月故大史答言在此

月日過分而未至

過春分而未夏至

三辰有災

三辰日月星也日月相侵又犯是宿故三辰皆為災

於是乎百官降物

降物素服

君不舉辟移時

辟正寢過日食時

樂奏

鼓

伐鼓○奏進也樂官進鼓則伐之故云伐鼓

祝用幣

用幣於社

史用辭

用辭以自責

故復書

曰辰不集于房

逸書也集安也房舍也日月不安其舍則食○今消征

瞽奏鼓

瞽樂師 嗇夫

馳庶人走

車馬曰馳步曰走為救日食備也

此月朔之謂也當復四月謂

之孟夏

言此六月當夏家之四月

平子弗從昭子退曰夫子將有異

志不君君矣

安君之災故曰有異志

○秋郊子來朝公與之宴昭子問焉曰少皞氏烏

名官何故也

少皞金天氏黃帝之子己姓之祖也問何故以鳥名官○少皞氏身號金天氏代號也下炎帝大皞等同



子曰吾祖也。我知之。昔者黃帝氏以雲紀，故爲雲

師而雲名。

黃帝軒轅氏姬姓之祖也。黃帝受命有雲瑞，故以雲紀事。百官師長皆以雲爲名。號縉雲氏，蓋其一官也。○縉音進。○孔

疏百官師長皆以雲爲名。號即是以雲紀綱諸事也。

炎帝氏以火紀，故爲火師而火名。

炎帝神農氏姜姓之祖也。亦有火瑞，以火紀事。名百官。

共工氏以水紀，故爲水師而水

名。

共工以誦侯霸有九州者，在神農前。犬皞後，亦受水瑞，以水名官。

犬皞氏以龍紀，故爲龍師

而龍名。

犬皞伏義氏風姓之祖也。有龍瑞，故以龍命官。

我高祖少皞摯之立也。鳳

鳥適至，故紀於鳥。爲鳥師而鳥名。鳳鳥氏，歷正也。

鳳鳥知天時，故以名歷正之官。

立鳥氏，司分者也。

立鳥燕也。以春分來，秋分去。

伯趙氏，司

至者也。

伯趙伯勞也。以夏至鳴，冬至止。

青鳥氏，司啓者也。

青鳥鷦鷯也。以立春鳴，立夏止。○鷦音暮。

鵙亦作鷓

丹鳥氏司閉者也

丹鳥鷓雉也以立秋來立冬去入大

於諫反

必滅 祝鳩氏司徒也

祝鳩鷓雉也鷓雉孝故為司徒主教民

鷓雉氏司馬也

鷓雉王鷓

也鷓而有別故為司馬

主法制。鷓雉徐反。鷓雉氏司空也

鷓雉鷓雉也鷓雉平均故為司空平水土。鷓雉簡八反鷓雉居

六 爽鳩氏司寇也

爽鳩鷓雉也鷓雉故為司寇主盜賊

鷓雉氏司事也

鷓雉鷓雉也春

來冬去故

為司事 五鳩鳩民者也

鳩聚也治民上聚故以鳩為名

五雉為五工正

五雉雉有五種西方曰鷓雉東方曰鷓雉南方曰翟雉北方曰鷓雉伊洛之南曰鷓雉。鷓音存鷓側其反鷓又作希

利器用正

度量夷民者也

夷平也

九扈為九農正

扈有九種也春扈鷓雉夏扈鷓雉秋扈鷓雉冬

扈鷓雉鷓雉扈鷓雉行扈鷓雉噴噴桑扈鷓雉脂老扈鷓雉以九扈為九農之號各隨其宜以教民事。鷓扶云反鷓教倫反鷓側百反噴音責

扈民無淫者也

扈止也止民使不淫放

自顓頊以來不能紀遠乃

紀於近爲民師而命以民事則不能故也

顓頊氏代少皞者德

不能致遠瑞而以民事命官

仲尼聞之見於郊子而學之

於是仲尼年二十八既

而告人曰吾聞之天子失官學在四夷猶信

失官官不脩其

職也傳言聖人無常師

○晉侯使屠蒯如周請有事於雒與三塗

屠蒯晉侯之膳宰也以忠

諫見進雒雒水也三塗山名在陸渾南

襄弘謂劉子曰客容猛非祭也其伐

戎乎陸渾氏甚睦於楚必是故也君其備之乃警

戎備

警戒以備戎也欲因晉以合勢

九月丁卯晉荀吳帥師涉自棘津

河津名○今在河南衛輝府胙城縣北

使祭史先用牲于雒陸渾人弗知師

從之庚午遂滅陸渾數之以其貳於楚也陸渾子

奔楚其衆奔甘鹿

甘鹿周地

周大獲

先警戎備故獲

宣子夢文公攜

荀吳而授之陸渾故使穆子帥師獻俘于文宮

欲以應夢

○冬有星孛于大辰西及漢

復之八月辰星見在天漢西今字星出辰西光芒東及天漢

申須曰彗所以除舊布新也

申須魯大夫彗似鏡反

天事恒象

天道恒以

象類告示人

今除於火火出必布焉諸侯其有火災乎

今火向伏

故知當須火出乃布散為災

梓慎曰往年吾見之是其徵也

徵始有形象而徵也

火

出而見

前年火出時見音現

今茲火出而章必火入而伏

隨火沒也

其

居火也久矣

歷二年

其與不然乎

言必然也○邵氏竇曰其與語辭猶曰其諸

火出

於夏為三月

謂昏見

於商為四月於周為五月夏數得

天

得天正。斗柄所指一歲十二月分為四時夏以建寅為正則斗柄東指為春南指為夏是為得天四時之正也

若火作

其四國當之在宋衛陳鄭乎宋大辰之虛也

大辰大

野○虛起居反

陳犬皞之虛也

犬皞居陳木火所自出

鄭祝融之虛也

祝融高辛氏之

火正居鄭

皆火房也

房杏也

星亭及漢漢水祥也

天漢水也

衛顓頊之

虛也故為帝邱

衛今濮陽縣昔帝顓頊居之其城內有顓頊冢

其星為大水

衛星營室營室

水火之牡也

牡雄也。陰陽書有五行嫁娶之法火畏水故以丁為壬妃是水為火之雄

其以丙

子若壬午作乎水火所以合也

丙午火壬子水水火合而相薄水少而火多故水不勝火

彗在大辰為多及漢為少是水少而火多也

若火入而伏必以壬午

尚未知今彗星當復隨火星俱

伏否故  
言若

不過其見之月

火見周之五月

鄭裨竈言於子產曰宋

衛陳鄭將同日火若我用瓘竽玉瓚鄭必不火

瓘珪也竽

玉瓘也瓚勺也欲以禳火○瓘古亂反勺上若反瓚如羊反

子產弗與

以為天災流行非禳所息故也為明年宋衛陳鄭災傳

○吳伐楚陽句為令尹卜戰不吉

陽句穆王曾孫令尹子瑕

司馬子

魚曰我得上流何故不吉

子魚公子魴也順江而下易用勝敵

且楚故司馬

令龜我請改卜令曰魴也以其屬死之楚師繼之

尚大克之吉

得吉兆○魴音房

戰于長岸子魚先死楚師繼之

大敗吳師獲其乘舟餘皇

餘皇舟名

使隨人與後至者守

之環而塹之及泉

環周也○塹七豔反

盈其隧炭陳以待命

隧出八道

吳公子光

光諸樊子闔廬

請於其衆曰喪先王之乘舟豈唯

光之罪衆亦有焉請藉取之以救死

藉衆之力以取舟

衆許

之使長鬣者三人

長鬣多鬚鬚與吳人異形狀詐為楚人

潛伏於舟側曰

呼餘皇則對師夜從之

師吳師也

三呼皆迭對

迭更也

楚人從

而殺之楚師亂吳人大敗之取餘皇以歸

傳言吳先有謀

春秋左傳杜注卷第二十三